

# **Pisortanit ikiorsiissutit pillugit inatsisartut peqqussutaata allanngortinneqarneranik Inatsisartut peqqussutaat (Oqaatsitigut periutsitigullu erseqqissaanerit)**

## **§ 1**

Pisortanit ikiorsiissutit pillugit inatsisartut peqqussutaannut nr. 15, 20. november 2006-imeersumut makku allannguutigineqassapput:

**1. § 6 imm. 2** imatut oqaasertalerneqassaaq:

"Imm. 2. Tassanngaannartumik ikiorsiissuteqartoqarnissaanik qinnuteqaat, takuuk § 3, pineqartup kommuunimi uninngavigisaani kommunalbestyrelsimut tunniunneqassaaq."

**2. § 13 imm. 4** imatut oqaasertalerneqassaaq:

"Imm. 4. Pisuni immikkut ittuni SIK-p Naalakkersuisullu isumaqatigiissutaat naapertorlugu suliamik ilinniagaqarsimanngitsut aningaasarsiaasa minnerpaat 65%-iat sinnerlugu pilersorneqarnissamut akiligassanullu aalajangersimasunut ikiorsiissutinik tunniussisoqarsinnaavoq, pisortanit ikiorsiissutinik pisartagaqartup ilaqutaasalu inuuniarnikkut ineqarnikkullu naammaginartumik atugaqaannarnissaasa qulakkeerneqarnissaat pisariaqassappat."

**3. § 13 imm. 5** imatut oqaasertalerneqassaaq:

"Imm. 5. Nammineq pisuussutigisamik pissaaleqisoqarpat aallaavittut taamaallaat tunniunneqarsinnaapput pilersuinermit akiligassanullu aalajangersimasunut pisortanit ikiorsiissutissat affaannai. Pilersuinermit ikiorsiissutit aningaasannagornagit tunniunneqassapput."

**4. § 13 imm. 5-ip** kingorna immikkoortut nutaat ilanngunneqassasut:

"Imm. 6. Naliliiniarnermut tunngatillugu kommunalbestyrelsip pingaartissavaa meerartaasinnaasut pisariaqartitaasa isiginiarneqarnissaat."

Tamatuma kingorna imm. 6 aamma 7 allanngorput imm. 7 aamma 8-inngorlutik.

## **§ 2**

Inatsisartut peqqussutaat ulloq 1. juli 2008 atuutilissaaq.

Hans Enoksen

/

Arkalo Abelsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut